



28 de novembro de 2012. A [campanha](#) que SOGAMA está a desenvolver en cidades e vilas galegas para promover a reutilización e o reciclado, debido aos ridículos índices que amosa a xestión dos refugалlos en Galiza, é un exercicio de **esquizofrenia e desvergoña**

sen límites. Se é precisamente debido ao modelo SOGAMA (incineración + vertido) que a reciclaxe acada os

[níveis máis baixos do estado](#)

e de Europa! Por outra banda, a Xunta gábase de que a xeración de refugалlos diminuíu un 6,4% dende a aprobación en 2010 do

[Plano de Residuos \(PXRUG\)](#)

... Non será máis ben que ao igual que caeu a actividade económica e o consumo, a xeración de residuos diminuíu sobre todo pola

crise

? Así o recoñece no

[documento de modificación do PXRUG 2010-2020](#)

que está a tramitar, cualificando a crise como un "avance" na redución da produción de lixo. En definitiva: outra campaña-trampa de SOGAMA deseñada para vender como virtudes as súas vergoñas, mostra da incompetencia e o cinismo sen límites da Xunta.

Analisemos algunhas das "pérolas" que conteñen os materiais desta campaña:

SOGAMA pona en marcha coa fin de **"captar o interese dos transeúntes e orientalos sobre mellores prácticas ambientais"**

: Non sería

millor que primeiro se orientaran eles? A incineración e o vertido que practica SOGAMA non son os mellores xeitos de tratar os refugалlos, nin os que a lexislación fixa como prioritarios (redución, reciclaxe e compostaxe). SOGAMA só recicla o 8% do total dos refugалlos recibidos fronte ao 32% que conxuntamente amosan Nostián e O Barbanza.

Ademais disto, as plantas de compostaxe reciclan moita máis cantidade de residuos que SOGAMA en TODAS as demáis fraccións

da recollida selectiva: Vidro, 9 puntos máis; Papel/Cartón, 4 puntos máis; e Envases, 31 puntos máis, tanto nas áreas de alta xeración de residuos (A Coruña-zona urbana), como en áreas máis rurais cunha máis baixa xeración de residuos (comarca do Barbanza).

[Informe sobre a recollida selectiva](#)

SOGAMA di que pretende "**aplicar con efectividade o principio dos 3Rs**". Nós preguntámonos que fan para aplicar o 1º e 2º "R", isto é, Reducir e Reutilizar? E sobre todo, que fan para aplicar o 3ºR, isto é Reciclar, particularmente a materia orgánica que supón o 50% do lixo que xeramos a diario? Resposta: Nada. SOGAMA recicla o 0% da materia orgánica: Como pretenden acadar o nivel do 50% que fixa a Lei 2272011 de Residuos e a Directiva 2008/98/CE?

SOGAMA di que pretende acadar a "**xestión sostible dos nosos refugallos, velando por que esta sexa respetuosa co medioambiente e a saúde**"

A "xestión sostible" dos nosos refugallos pasa por reciclar a material orgánica. Queimala ou eliminala no vertedoiro como fai SOGAMA non é respectuoso nin co medio ambiente, nin coa saúde, nin respecta a lexislación e resulta moito máis caro. Precisamente a respeito dos cartos, e no que vai de ano, SOGAMA

[soterou no vertedoiro de Cerceda nada menos que 42 millóns de €](#)



Resulta chamativo tamén atopar no libelo de SOGAMA a seguinte frase: "**A confusion en torno á separación de residuos en orixe está moi extendida**"

. Dende ADEGA estamos dacordo: Son precisamente eles quenes a fomentan! Vexan senón o seguinte gráfico aparecido nos materiais desta campaña e que "informa" que

[ao contedor verde deben ir refugallos que non se poden reciclar... como a materia orgánica e outros!](#)

Á vista destes datos, recomendamos á poboación estar alerta fronte á **propaganda tóxica** da Xunta sobre os residuos: Con SOGAMA e a incineración,
[que non che conten contos!](#)